



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13, 89/16, 5/22 i 31/24) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08, 5/22 i 39/25), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2022. GODINU BOSS-BOSANSKE STRANKE-MIRNES AJANOVIĆ

Broj: 03-07-6-648/23
Sarajevo, 04.12.2025. godine

S A D R Ź A J

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole.....	5
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1 NALAZI.....	5
5.2 PREPORUKE.....	10

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja BOSS-Bosanske stranke-Mirnes Ajanović za 2022. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih 2022. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i odredbama poglavlja 15 Izbornog zakona Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2022. godinu, utvrđeno je da je BOSS-Bosanska stranka-Mirnes Ajanović prekršila odredbe člana 4. stav (1), člana 5. stav (4), člana 8. stav (1), člana 11. stav (1) i člana 12. stav (1), stav (3) i stav (4) Zakona o finansiranju političkih stranaka i člana 15.1 Izbornog zakona Bosne i Hercegovine.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja BOSS-Bosanske stranke-Mirnes Ajanović za 2022. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih 2022. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja za 2022. godinu, BOSS-Bosanska stranka-Mirnes Ajanović se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	12.750,00	16,03
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	62.745,82	78,90
8.	Prihodi od propagande (3-g)	0,00	0,00
I	Ukupni prihodi (1-8)	75.495,82	94,94
II	Ostali prihodi i drugo	4.027,44	5,06
	Izvori finansiranja (I+II)	79.523,26	100,00

U godišnjem finansijskom izvještaju za 2022. godinu BOSS-Bosanska stranka-Mirnes Ajanović je iskazala rashode u ukupnom iznosu od 93.768,66 KM.

2. PREDSTAVLJANJE POLITIČKE STRANKE

Naziv političke stranke je BOSS-Bosanska stranka-Mirnes Ajanović. Skraćeni naziv je BOSS.

BOSS-Bosanska stranka-Mirnes Ajanović registrovana je kod Višeg suda u Tuzli, rješenjem broj: R-I-18/94 od 09.05.1994. godine, pod nazivom: Bosanski omladinski savez „BOSS“ Tuzla. Rješenjem Kantonalnog suda u Tuzli od 24.05.2002. godine i rješenjem Općinskog suda u Tuzli, broj: 032-O-Reg-06-000792 od 08.05.2006. godine, upisana je promjena naziva stranke, tako da novi naziv glasi: BOSS-Bosanska stranka-Mirnes Ajanović.

Sjedište političke stranke je Tuzli, Kojšino 7.

Lice ovlašteno za zastupanje stranke je Mirnes Ajanović, predsjednik stranke.

Lice ovlašteno za podnošenje finansijskih izvještaja za 2022. godinu je Nedžad Zonić.

Prema podacima iz godišnjeg finansijskog izvještaja za 2022. godinu, BOSS-Bosanska stranka-Mirnes Ajanović ima sljedeću organizacionu strukturu:

- Glavni odbor i
- Regionalni odbor u Sarajevu.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj BOSS-Bosanske stranke-Mirnes Ajanović za 2022. godinu i finansijski izvještaj za period od dana podnošenja prijave za ovjeru za izbore do dana ovjere rezultata Općih izbora, održanih 2022. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona Bosne i Hercegovine. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka, te da li je troškove izborne kampanje ostvarila u okviru zakonom utvrđenog limita.

Obim pregleda i kontrole finansijskog izvještaja BOSS-Bosanske stranke-Mirnes Ajanović obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je izvršila pregled i kontrolu finansijskih izvještaja BOSS-Bosanske stranke-Mirnes Ajanović u periodu od 2005. do 2021. godine, nakon kojih su izdati izvještaji o pregledu sa mišljenjem revizora, nalazima i preporukama revizije.

Nakon izvršenog pregleda godišnjeg finansijskog izvještaja za 2021. godinu, izdat je Izvještaj o pregledu sa mišljenjem revizora, nalazima i preporukama stranci: da finansijska sredstva obezbijeđena za finansiranje stranke koristi u skladu sa programom utroška i statutom, da prijavljuje sve priloge, da se ne finansira iz zabranjenih izvora, da vodi poslovne knjige u skladu sa računovodstvenim propisima, odnosno da vodi pravilne i pravovremene evidencije o prihodima, rashodima i obavezama, da finansijske izvještaje podnosi Centralnoj izbornoj komisiji Bosne i Hercegovine na način i u formi koju je Centralna izborna komisija Bosne i Hercegovine propisala Pravilnikom o godišnjim finansijskim izvještajima političkih stranaka, te da racionalnije troši finansijska sredstva stranke koja isključivo ostvaruje iz budžeta.

Nerealizovane preporuke:

Na osnovu uočenih nedostataka u godišnjem finansijskom izvještaju za 2022. godinu, utvrđeno je da BOSS-Bosanska stranka-Mirnes Ajanović nije ispoštovala sve preporuke.

5. NALAZI I PREPORUKE

5.1 NALAZI

a) BOSS-Bosanska stranka-Mirnes Ajanović je prekršila odredbe člana 4. stav (1) Zakona o finansiranju političkih stranaka¹.

Politička stranka je svojim programom utroška sredstava za 2022. godinu, koji je donijela 25.02.2022. godine, planirala troškove u iznosu od 202.000,00 KM. Planirani iznos troškova je nerealan za izvore finansiranja i obim poslovanja BOSS-Bosanske stranke-Mirnes Ajanović jer su planirani troškovi 2,5 puta veći od prihoda koje je ostvarila ova politička stranka.

¹ U skladu sa odredbom člana 4. stav (1) Zakona o finansiranju političkih stranaka, stranka finansijska sredstva iz člana 3. stav (1) ovog zakona može koristiti isključivo za ostvarivanje ciljeva utvrđenih svojim programom i statutom.

Naime, u godišnjem finansijskom izvještaju, koji je podnijela Centralnoj izbornoj komisiji BiH politička stranka je iskazala ukupno ostvarene troškove u iznosu od 93.768,66 KM, što čini 46,42 % od planiranih troškova, dok ih je u poslovnim knjigama evidentirala u iznosu od 93.436,66 KM.

Uvidom u strukturu planiranih i ostvarenih troškova, utvrđeno je da je troškove u iznosu od 11.562,54 KM politička stranka ostvarila mimo programa utroška za 2022. godinu.

Politička stranka je planirane troškove prekoračila za iznos od 5.019,97 KM, dok troškove koje je ostvarila u iznosu od 6.542,57 KM nije planirala.

- Troškove takse za učešće na izborima BOSS-Bosanska stranka-Mirnes Ajanović je planirala u iznosu od 20.000,00 KM, a iste ostvarila u iznosu od 25.000,00 KM, dok je troškove kancelarijskog materijala koje je planirala u iznosu od 3.000,00 KM ostvarila u iznosu od 3.019,97 KM.
- Politička stranka nije planirala troškove takse i novčanih kazni, te troškove sitnog inventara i auto guma, a iste je ostvarila u ukupnom iznosu od 6.542,57 KM, kako slijedi: troškove takse i novčanih kazni u iznosu od 5.943,06 KM, te troškove sitnog inventara i auto guma u iznosu od 599,51 KM.

S obzirom da je BOSS-Bosanska stranka-Mirnes Ajanović sačinila nerealan finansijski plan troškova, te da je sredstva u iznosu od 11.562,54 KM utrošila mimo utvrđenog finansijskog plana za 2022. godinu, prekršila je odredbe člana 4. stav (1) Zakona o finansiranju političkih stranka.

b) Politička stranka je prekršila odredbe člana 5. stav (4) i člana 8. stav (1) Zakona o finansiranju političkih stranaka.

(1) BOSS-Bosanska stranka-Mirnes Ajanović u poslovnim knjigama i godišnjem finansijskom izvještaju nije iskazala nenovčane donacije po osnovu besplatnih objava na društvenoj mreži što je suprotno odredbi člana 5. stav (4) Zakona o finansiranju političkih stranaka.

- Uvidom u podatke sa platforme „Facebook“ utvrđeno je da su sljedeći oglašivači platili objave na ovoj društvenoj mreži vrijednosti od 2.998,00 KM, i to: Mirnes Ajanović za stranicu „Mirnes Ajanović za gradonačelnika Tuzle“ u iznosu od 1.545,00 KM, Mirnes Ajanović za stranicu „BOSS - Bosanska stranka“ u iznosu od 578,00 KM, Nedim Bajrić za stranicu „Boss Krajina – USK“ u iznosu od 752,00 KM i Hariz Redžić za stranicu „Mr.sci. Hariz Redzic“ u iznosu od 123,00 KM.
- Za jedan oglas na stranici „BOSS - Bosanska stranka“ nije utvrđen oglašivač, za koji je prema podacima sa „Meta Ad Library“ plaćen iznos od 100,10 KM².

S obzirom da nije utvrđeno ko je sponzorisao navedeni oglas, smatra se da je politička stranka ostvarila donaciju od anonimnog donatora, što je suprotno odredbi člana 8. stav (1) tačka e) Zakona o finansiranju političkih stranaka.

(2) BOSS-Bosanska stranka-Mirnes Ajanović nije izdala potvrde o primljenim priložima fizičkih lica, što je suprotno odredbama člana 5. stav (4) Zakona o finansiranju političkih stranaka.

Kontrolom izvoda sa transakcionog računa utvrđeno je da su priloge uplatila tri fizička lica u ukupnom iznosu od 12.750,00 KM.

c) BOSS-Bosanska stranka-Mirnes Ajanović prekršila je odredbe člana 11. stav (1) i člana 12. stav (1), stav (3) i stav (4) Zakona o finansiranju političkih stranaka i člana 15.1 Izbornog zakona Bosne i Hercegovine.

Pregledom godišnjeg finansijskog izvještaja i druge finansijske dokumentacije utvrđeno je da BOSS-Bosanska stranka-Mirnes Ajanović nije u poslovnim knjigama uspostavila pravilne evidencije o novčanim tokovima, prihodima, rashodima i obavezama, godišnji finansijski izvještaj za 2022.

² U odnosu na Preliminarni izvještaj o pregledu godišnjeg finansijskog izvještaja za 2022. godinu izvršen je unos iznosa vrijednosti nenovčane donacije.

godinu nije dostavila u zakonom propisanom roku, te obrasce godišnjeg finansijskog izvještaja za 2022. godinu nije popunila u skladu sa odredbama Pravilnika o godišnjim finansijskim izvještajima političkih stranaka (u daljem tekstu: Pravilnik), čime su prekršene odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

Politička stranka nije uspostavila potpune evidencije o troškovima izborne kampanje čime je prekršila odredbe člana 12. stav (3) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.

- (1) Uvidom u poslovne knjige, utvrđeno je da BOSS-Bosanska stranka-Mirnes Ajanović poslovne promjene nije evidentirala hronološki, odnosno sve promjene do 30.04.2022. godine su evidentirane zbirno, u jednom iznosu kao tekući promet, što nije u skladu sa računovodstvenim propisima.

Pored navedenog, ističemo da je stranka u Završnom računu za 2022. godinu sve prihode evidentirala kao prihode iz budžeta.

- (2) BOSS-Bosanska stranka-Mirnes Ajanović godišnji finansijski izvještaj za 2022. godinu nije podnijela u zakonom propisanom roku, čime je prekršila odredbe člana 12. stav (4) Zakona o finansiranju političkih stranaka.

U skladu sa odredbama člana 12. stav (4) Zakona o finansiranju političkih stranaka i odredbama člana 3. Pravilnika, politička stranka je bila obavezna da finansijski izvještaj podnese u elektronskoj formi i u čvrstoj kopiji do 31.03.2023. godine.

BOSS-Bosanska stranka-Mirnes Ajanović je godišnji finansijski izvještaj podnijela putem aplikacije „FI CIK BIH” dana 09.05.2023. godine, a obrasce godišnjeg finansijskog izvještaja odštampane iz aplikacije u PDF formatu, ovjerene potpisom ovlaštenog lica i pečatom političke stranke dostavila dana 10.05.2023. godine.

- (3) Stranka nije u obrascu 2 (pregled prometa svih transakcijskih računa političke stranke) godišnjeg finansijskog izvještaja i poslovnim knjigama iskazala tačne podatke o prometu ostvarenom putem transakcijskog računa, čime je prekršila odredbe člana 11. Pravilnika.

Stranka je u obrascu 2 i poslovnim knjigama iskazala transakcijski račun broj: 1321000309650974 kod NLB Banke d.d. Sarajevo sa sljedećim podacima: početno stanje na dan 01.01.2022. godine u iznosu od 91,09 KM, ukupan promet ulaza u iznosu od 81.007,88 KM, ukupan promet izlaza u iznosu od 80.913,32 KM i stanje na dan 31.12.2022. godine u iznosu od 185,65 KM.

Kontrolom izvoda sa transakcijskog računa koje je stranka dostavila za period od 01.01. do 31.12.2022. godine, utvrđeno je sljedeće: početno stanje na dan 01.01.2022. godine u iznosu od 91,09 KM, ukupan promet ulaza u iznosu od 81.038,30 KM, ukupan promet izlaza u iznosu od 80.943,74 KM i saldo na dan 31.12.2022. godine u iznosu od 185,65 KM.

- (4) BOSS-Bosanska stranka-Mirnes Ajanović u poslovnim knjigama i godišnjem finansijskom izvještaju nije uspostavila pravilne i potpune evidencije o prihodima, čime je prekršila odredbe člana 13., 18. i 19. Pravilnika.

- Politička stranka nije uspostavila evidencije, niti je u finansijskom izvještaju prijavila nenovčane donacije koje je ostvarila po osnovu besplatnog oglašavanja na društvenim mrežama tokom izborne kampanje 2022. godine³, čime je prekršila odredbe člana 13. i 18. Pravilnika.

- Stranka je u poslovnim knjigama evidentirala i u godišnjem finansijskom izvještaju iskazala prihode iz budžeta Kantona Sarajevo u iznosu od 34.531,63 KM, Grada Sarajevo u iznosu od 12.292,90 KM, te Općine Novi Grad Sarajevo u iznosu od 15.921,29 KM

³ Detaljnije u nalazu pod b)

Kontrolom izvoda sa transakcijskih računa i dostavljene dokumentacije, utvrđeno je da su prihodi iz budžeta Kantona Sarajevo iznosili 38.093,21 KM, Grada Sarajevo 12.292,90 KM, te Općine Novi Grad Sarajevo 15.806,40 KM.

Naime, stranka je prihod iz budžeta Kantona Sarajevo u iznosu 114,89 KM, evidentirala i prijavila kao prihod iz budžeta Općine Novi Grad Sarajevo, dok je prihod iz budžeta Kantona Sarajevo u iznosu 3.446,69 KM evidentirala na kontu 418200-*naknadno utvrđeni prihodi iz prethodnih godina* u iznosu 3.416,27 KM, te iskazala u okviru ostalih prihoda.

- (5) BOSS-Bosanska stranka-Mirnes Ajanović nije uspostavila potpune i tačne evidencije o rashodima stranke, te ih nije pravilno iskazala u godišnjem finansijskom izvještaju, čime je prekršila odredbe člana 21., 22. i 23. Pravilnika.

- Podaci o rashodima koje je stranka iskazala u godišnjem finansijskom izvještaju ne odgovaraju podacima iz poslovnih knjiga i podacima iz Završnog računa stranke za 2022. godinu.

Stranka je u godišnjem finansijskom izvještaju iskazala rashode u ukupnom iznosu od 93.768,66 KM, dok je u poslovnim knjigama i Završnom računu iskazala rashode u ukupnom iznosu od 93.436,66 KM.

- Kontrolom prometa izvoda sa transakcijskog računa koji je stranka koristila za izbornu kampanju, utvrđeno je da je stranka za usluge „Facebook“ oglašavanja fizičkom licu K. G. isplatila novčana sredstva u iznosu od 350,00 KM.

Navedene troškove stranka iskazala u obrascu 4.1 (režijsko-administrativni i ostali troškovi) i u obrascu 4.2 (troškovi propagande), čime su ukupni troškovi iskazani u većem iznosu u odnosu na ostvarene.

- Stranka je u poslovnim knjigama troškove ugovora o djelu u ukupnom iznosu od 13.788,59 KM iskazala na kontu 401300-*troškovi vođenja administrativno-tehničkih poslova*.

Iako je zaključila Ugovor o djelu sa fizičkim licem za obavljanje administrativno-tehničkih poslova i rad na terenu sa članovima stranke općinskih odbora BOSS Novi grad Sarajevo, Centar Sarajevo, Vogošća i Ilijaš, te Ugovor o obavljanju poslova po ugovoru o djelu sa fizičkim licem za obavljanje administrativno-tehničkih poslova i rad na terenu sa članovima stranke u Tuzli, stranka je troškove ugovora o djelu evidentirala na analitičkoj kartici konta 401300-*troškovi vođenja administrativno-tehničkih poslova*, te je iste iskazala u obrascima 4.1 Glavnog odbora i Regionalnog odbora u Sarajevu.

Stranka je u poslovnim knjigama troškove ugovora o djelu trebala evidentirati u skladu sa kontnim planom⁴.

Činjenica da je stranka zaključila ugovor o djelu sa fizičkim licem za obavljanje administrativno-tehničkih poslova i rad na terenu sa članovima stranke OO BOSS-a Novi Grad Sarajevo, Centar Sarajevo, Vogošća i Ilijaš, te da se finansira iz budžeta Općine Novi Grad Sarajevo i Grada Sarajevo, ukazuje da stranka ima organizacione dijelove koje nije prijavila u godišnjem finansijskom izvještaju za 2022. godinu, čime je prekršila odredbe člana 10. Pravilnika.

Ističemo da je stranka u obrascu 1-1 (teritorijalna organizacija političke stranke) godišnjeg finansijskog izvještaja iskazala dva organizaciona odbora: Glavni odbor i Regionalni odbor u Sarajevu, te da je sve troškove iskazala kao troškove ovih organizacionih odbora.

- BOSS-Bosanska stranka-Mirnes Ajanović nije u godišnjem finansijskom izvještaju iskazala tačne podatke o troškovima izborne kampanje, čime je prekršila odredbe člana 21. i 23. Pravilnika.

1. Stranka je u obrascu 4.1 (režijsko-administrativni troškovi) godišnjeg finansijskog izvještaja u okviru troškova kancelarijskog materijala iskazala račun dobavljača Studio

⁴ Troškovi ugovora o djelu se uobičajeno evidentiraju na kontu 408.

PROGRES d.o.o Tuzla broj: 141/2022 od 19.09.2022. godine u iznosu od 1.404,00 KM. Uvidom u račun utvrđeno je da se navedeni troškovi odnose na troškove kampanje za Opće izbore održane u oktobru 2022. godine.

Stranka je sve troškove koji su nastali u svrhu izborne kampanje trebala iskazati u obrascu 4.2 kao troškove izborne propagande.

2. Politička stranka u godišnjem finansijskom izvještaju nije iskazala troškove izborne kampanje po osnovu objava na društvenoj mreži „Facebook“, u vrijednosti od 3.098,10 KM⁵.
- (6) Politička stranka u postizbornom finansijskom izvještaju nije iskazala sve nenovčane donacije i troškove izborne kampanje, te izvještaj nije podnijela u zakonom propisanom roku čime je prekršila odredbe člana 12. stav (3) Zakona o finansiranju političkih stranaka, člana 15.1 stav (1) Izbornog zakona Bosne i Hercegovine i odredbe Pravilnika o predizbornim i postizbornim finansijskim izvještajima političkih stranaka („Službeni glasnik BiH” broj: 10/18 i 5/22).

BOSS-Bosanska stranka-Mirnes Ajanović je postizborni finansijski izvještaj za Opće izbore održane u toku 2022. godine dostavila nakon zakonom propisanog roka, te suprotno odredbama člana 4. stav (2)⁶ Pravilnika o predizbornim i postizbornim finansijskim izvještajima političkih stranaka.

Politička stranka je postizborni finansijski izvještaj za Opće izbore 2022. godine (izvještajni period 01.05.-02.11.2022. godine) podnijela u elektronskoj formi, putem aplikacije FI CIK BIH dana 08.12.2022. godine. Odštampane obrasce finansijskog izvještaja u čvrstoj kopiji, politička stranka je Centralnoj izbornoj komisiji Bosne i Hercegovine dostavila 12.12.2022. godine.

U skladu sa odredbama člana 15.1 stav (1) Izbornog zakona Bosne i Hercegovine, rok za dostavljanje ovog finansijskog izvještaja je bio 02.12.2022. godine.

- (7) Podaci o obavezama koje je BOSS-Bosanska stranka-Mirnes Ajanović iskazala u obrascu 5 (obaveze) godišnjeg finansijskog izvještaja ne odgovaraju podacima koji su iskazani u poslovnim knjigama i Završnom računu za 2022. godinu.

Naime, politička stranka je u godišnjem finansijskom izvještaju iskazala ukupne obaveze u iznosu od 13.398,52 KM, dok je u poslovnim knjigama na dan 31.12.2022. godine iskazala ukupne obaveze u iznosu 12.856,74 KM.

d) Bez kvalifikovanja revizijskog mišljenja, skrećemo pažnju na visinu troškova zakupa motornih vozila.

Kao i u ranijim periodima, politička stranka je koristila putnička motorna vozila koja je uzela u zakup od fizičkih lica. U toku 2022. godine troškovi Regionalnog odbora Sarajevo po ovom osnovu iznosili su 25.200,00 KM, što čini 26,98 % od ukupnih rashoda stranke.

Uvidom u poslovne knjige i dokumentaciju utvrđeno je sljedeće:

-Uvidom u Ugovor o zakupu putničkog motornog vozila utvrđeno je da je stranka iznajmila putničko motorno vozilo od S. E. na period od 01.01.-31.12.2022. godine, uz mjesečnu zakupninu od 800,00 KM, odnosno ukupno 9.600,00 KM.

-Uvidom u Ugovor o zakupu putničkog motornog vozila utvrđeno je da je stranka iznajmila putničko motorno vozilo od P. H. na period od 01.01.-31.12.2022. godine, uz mjesečnu zakupninu od 1.300,00 KM, odnosno ukupno 15.600,00 KM.

⁵ Detaljnije objašnjeno u nalazu pod b) tačka (1).

⁶ Finansijski izvještaj iz člana 3. stav (1) tačka b) ovog pravilnika podnose sve političke stranke koje su učestvovala na izborima, u roku od 30 dana od dana kada Centralna izborna komisija BiH objavi konačne izborne rezultate.

Troškovi izborne kampanje

Prema odredbama člana 15.10 Izbornog zakona BiH, politička stranka za potrebe izborne kampanje ne smije potrošiti više od 0,30 odnosno 0,20 KM po biraču u svakom izbornom krugu, prema broju birača koje je objavila Centralna izborna komisija BiH⁷. Prema podacima Centralne izborne komisije BiH, BOSS-Bosanska stranka-Mirnes Ajanović je u svrhu izborne kampanje mogla da potroši sredstva u iznosu od 1.771.331,50 KM.

BOSS-Bosanska stranka-Mirnes Ajanović je u obrascu 4.2 godišnjeg finansijskog izvještaja za 2022. godinu iskazala troškove izborne kampanje u iznosu od 350,00 KM.

Pored iskazanih troškova izborne kampanje u iznosu od 350,00 KM, uvidom u raspoloživu dokumentaciju, utvrđeno je da je politička stranka ostvarila i troškove izborne kampanje u iznosu od 4.502,10 KM.

Naime, politička stranka je troškove izborne kampanje u iznosu od 1.404,00 KM umjesto u obrascu 4.2, iskazala u obrascu 4.1 godišnjeg finansijskog izvještaja, dok troškove izborne kampanje u iznosu od 3.098,10 KM uopšte nije iskazala u godišnjem finansijskom izvještaju za 2022. godinu.

5.2 PREPORUKE

Preporučuje se BOSS-Bosanskoj stranci-Mirnes Ajanović da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da donosi program utroška sredstava primjeren obimu poslovanja političke stranke i da finansijska sredstva osigurana za finansiranje političke stranke koristi u skladu programom utroška sredstava*
- *da prijavljuje sve priloge bez obzira na koji način ih ostvaruje,*
- *da poslovne knjige vodi u skladu sa računovodstvenim propisima, odnosno da uspostavi pravilne evidencije o prihodima, rashodima i obavezama,*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i Pravilnikom o predizbornim i postizbornim finansijskim izvještajima političkih stranaka i*
- *da racionalnije troši finansijska sredstva stranke koja obezbjeđuje iz budžeta.*

KOMENTAR:

U ostavljenom roku, BOSS-Bosanska stranka-Mirnes Ajanović nije dostavila primjedbe na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2022. godinu.

Šef Odsjeka za revizijske poslove

Sanja Tošović

Šef Odsjeka za predrevizijske i administrativne poslove

Rijad Selmanović

Pomoćnik revizora

Dragomir Elez

⁷ Član 15.10 stav 2. Izbornog zakona BiH propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika općine odnosno gradonačelnika i za članove skupštine općine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.